

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De grandine inusitatae magnitudinis, quae de coelo decidit, et
terraemotibus, qui in Bithinia et Hellesponto acciderunt. Cap. X.

urn:nbn:de:hbz:466:1-12704

SOCRAT. HISTOR.

uit. Quarum nomine balneari publicè Constantinopoli, à Valente extructæ fuere, & ibi adhuc cernuntur. Itaque præ reuerentia, qua illum Imperator obseruabat, Nouatianorū ecclesiae ad tempus occlusæ, denuo aperiuntur. Non tamē molestijs, quas illis faceſſebant Ariani, penitus liberati fuerunt. Erant enim illis propterea inuisi, quod eos, qui fidē tenebant consubstantialis, amore & benevolentia amplexabantur. Atque illo quidem tempore hic rerum status fuit. Istud nos minimè praterire debet, bellum contra Tyrannū Procopium suscepit, sub fine mensis Maij administratum fuisse, Gratiano, & Dagalepho Coss. Paulò post illud bellum, eisdem Coss. Valentiano Imperatori in partibus versus occidentem natūs est filius, ipsius nomine nuncupatus. Nam Gratianū filium ante suscepit, quām imperij adiret gubernacula.

*De grandine in usitatæ magnitudinis, quæ de cœlo
decidit, et terræmotibus, qui in Bithinia et Helle-
sponto acciderunt. CAP. X.*

Anno sequenti, Lucino & Iouiano Coss. Sexto Non. Iulij, grando magnitudine inusitata, lapidibus similis Constantinopoli decidit. Est quidem multis in ore illam grandinem, Deo irato, quod multi sacerdotes, qui cum Eudoxio communicare recusauerant, essent ab Imperatore relegati, delapsam fuisse. Non multo post, eisdem Coss. Valentinianus filium suum Gratianum Imperatorem crebat, ix. Calend. Septembri. Anno proximo Valentiniano, & Valente secundum Coss. quinto Idus Octobris, terræmotus in Bithynia factus, Nicæam urbem deturbauit. Iste duodecimus annus fuit post ruinam Nicomediæ. Post pau- lo multæ partes Cerinæ, urbis Helleponsi altero terræmotu conquaſſatae, ceciderunt. Verum, quamvis ista hoc modo euenirent, nihil magis tamen Eudoxij Episcopi Ariano rum, & Valentis Imperatoris animi ad pietatem, & rectitatem religione opinionem commoti fuerunt. Nam crudeliter in eos saeuendi, qui ab ipsis in fidē dissidentiebant, nullū aliquando finem feceré. Isti terræmotus videbantur tumultus in ecclesia certa fuisse indicia. At quamquam complures

plures sacerdotes, ut dixi, erant in exiliū electi, tamen Basilius & Gregorius soli (quorum ille Cæsareæ Cappadociæ episcopus fuit: hic Nizianzi vrbis obscuræ & pertenuis, Cæsareæ finitimæ) diuina prouidentia propter extimam pietatem patriis sedibus minimè pulsū fuere. De quibus postea mihi vberius dicendum est.

Quod qui Macedonij sententiæ suffragabantur, cum propter Imperatoris violentiam in angustias venissent, missa ad Liberium Pontificem Romanum legatione, subscriptione sua consubstantiale ratum fecerunt. C A P V T XI.

Eodem tempore illis, qui fidem Consumentialis cōstanter seruabant, grauiter, & acerbè exagitatis, deinceps improbi illi, qui eos fuerant persecuti, contra macedonianos grassari cœperunt. Hi metu, imo potius vi, in angustias adducti, de ciuitatibus suis alter ad alterum legatos mittere, significareq; sibi necessario confugiendum, tū ad fratrem Imperatoris, tum ad Liberium Episcopum Romanum; illorumq; fidem potius amplexandam, quam ut cum Eudoxio communicarēt. Itaque Eustachium Sebastiq; episcopum, qui se penumero abdicatus fuisset, Siluanū Tarſi Ciliciæ, & Theophilum Castabalorum vībis Ciliciæ, mittunt: illisque in mandatis dant: vt cum Liborio neutiquam de fide dissentiant, sed communicent cum ecclesia Romana, fidemque consubstantialis ratam faciant. Iſti cum literis eorum, qui Seleuciæ de fide disenserant, ad veterem vrbem Romam se conferunt. Cum Imperatore minime colloquuntur (erat enim in gallia bello contra Sauromatas gerendo occupatus) sed Liborio literas offerrunt. Ille eas recipere noluit. Nam eos secta Attianæ fautores esse dixit, & propterea ab ecclesia non posse recipi, vtpote qui fidem concilij Nicæni abrogassent, cui illi respondent, se pœnitentia inductos veritatem agnouisse: fidem eorum, qui filium patri dissimilem esse docent, iam pridem reieceris: filium in omnibus patri similem con-